

Erakusketa-aretoa erabiltzeko araudia  
Arizkunenea Kultur Etxea.  
Baztango Udala

### 1.- ESKABIDEA

Honekin batera eskabidea, ongi beteta eta eskatzaileak sinatuta, Baztango Udaletxeko bulegoetara igorri behar da edozein bide erabiliz , [kultura@baztan.eus](mailto:kultura@baztan.eus) ( Foru plaza, 1, 31700 Elizondo)

Eskabidearekin batera honako dokumentazio hau ere aurkeztu behar da:

- a) Historia profesionala
- b) Egindako erakusketak
- c) Eskuratutako sariak
- d) Egunkarietan agertutako kritikak
- e) Egindako erakusketen katalogoak edo argazkiak
- f) Erakutsi nahi dituen lanen bortz argazki koloretan, gutxieneko neurriak 9 x 12 zm

### 2. IRAUPENA

Gutxienez 15 egun iraunen du, eta gehienez 25 egun.

Ordutegia jendearen aurrean jarriko da eta erakusketariak lehenago izanen du horren berri. Artistak ezin izanen du bi urte segidan lanak erakutsi eta lanek Baztanen erakutsigabeak izan behar dute.

### 3. ESKABIDEAK ONARTZEKO

Eskabide guztiak onartuko dira aukera dagoen bitartean .

Baztango Udalak idatziz jakinaraziko dio eskatzaileari haren eskabidearen onarpena eta erakusketa egiteko egunak zehaztuko dizkio.

Kultur Batzordeak hartutako irizpideen arabera, Kultur teknikariak eskabidea onartuko badio (printzipioz denak onartuko ditu) eskatzaileak, ondoko hamabortz egunen barnean, ados dagoela jakinarazi beharko du. Hala egiten ez badu bere aukera galduko du eta artista urte horretako zerrendatik kanpo geldituko da.

Dena den, Udal Aretoa izaki, eta ordezkatzan duen gizartea aintzat hartuz, Kultura Batzordeak bere eskuetan izanen du lan jakin batzuen onartzeko eskubidea.

Aurrekusi gabeko orotan eta arau hauen interpretazioaren inguruko zalantza edo arazoetan, Baztango Udalak erraten duena bete beharko da.

### 4. GARRAIOA

Garraio eta itzultze gastu guztiak erakusketariaren gain joanen dira, Udalak bere iritziz eta artistak eta haren lanak duten interesaren arabera, kontrakoa erraten ez badu. Erakusketariak, hala nahi badu eta bere kontura, bere lanak asegura ditzake. Udalak lanen ekartze eta eramate gastuak edota asegurua ordaintzea erabakiz gero, garaiz jakinaraziko dio erakusketariari.

### 5. ZAINKETA

Udalak ez du erantzunkizunik hartuko lanen hondatzean, ezbehar, ebasko edo lapurreta, suak hartze, atentatu edo halakorik gertatuz gero, lanak hondatze ez osoa edo osoa ekarrita ere.

Erakusketarako zaintzale bat behar bada, horrek sortzen dituen gastuak eskatzaileak ordaindu behar ditu. Erakusketaren antolatzaileak bere ardurapean izanen du lokala zabalik dagoen bitartean obra zainduko duen/dituen pertsonak bertan egotea. Pertsona hauek behar bezalako identifikazioa izan beharko dute.

Erakusketariak edo lagapenaren titularrak Baztango Udala osotara salbuetsiko du egin beharreko jarduera gauzatzen ari dela izan daitezkeen inguruabar eta goiti-beheitiengatik izanen liratekeen erantzukizunetatik, eta espreski uko eginen dio Udal horren aitzinean egin lezakeen edozein eskari egiteari, kalte-galeren ordaina barne.

## **6. ERAKUSKETA ATONTZEA**

Erakusketariak atonduko du.

Lanek, erakusketa ireki baino 48 ordu lehenago gutxienez, egon beharko dute Kultur Etxean.

Ez da onartuko aretoaren apaingarriak ukitzen dituen aldaketarik, ez eta paretak honda litzakeen materialik ere.

## **7. PUBLIZITATEA**

Kultura teknikaria arduratuko da erakusketari buruzko publizitatea egiteaz (ttipitapa, xaloa, xorroxin) eta Arizkunenearen sarreran kartela paratzeaz.

Kultur Etxeak, egoki baderitzo eta erakusketariarekin adosturik, erakusketaren kartelak argitaratuko ditu, edo bertzela, aukera emanen du erakusketariak berak bere kontura egin dezala. Nolanahi ere, erakusketariak areto-arduradunari jakinarazi beharko dio eta hala egiten badu, areto-arduradunak ezarritako maketa eta formato ezaugerriei lotu beharko zaie.

Kultur Etxeak kartelak erakunde eta entitate ofizial eta kulturaleri igorriko dizkie.

Partikularrei igortzen dizkietenak, bai eta gonbidapen zehatzak ere, erakusketariaren kargura joanen dira.

Kultur-Batzordeak erakusketa igarriko dute egunkarietan, arte aretoen iragarkien programazioaren arabera.

## **8. ARETOAREN GASTUAK**

Erakusketa aretoa uzteak ez dio erakusketariari zaintze, argi, edo garbitze gasturik sortuko,

Horren kariz gerta daitezkeenen erantzunkizuna erakusketariak hartuko du oso-osorik, eta areto-arduradunek ez dute inolako kalte ordainik ordaindu behar izanen.

Erakusketariak, horretarako baimena eskuratuta, beharrezkotzat jotzen dituen seguritate neurriak hartu ahal du.

## **9. ERAKUSKETAK**

Araudi hau aplikatzean sor daitezkeen kontuetan, erakusketaria, bertze eskumenei uko eginez, epaitegien menpe jarriko da. Aurreikusitako guzia, bai eta arau hauek ulertzean sor daitezkeen zalantzak zein arazoak argitzea ere, Baztango Udalak erabakitzen duenaren menpe gelditzen da eta ezin izanen da erabakiaren aurka jo.

## **10. ERAKUSKETARIAREN BETEBEHARRAK**

Erakusketa erabakitako moduan egitea, egunak errepestatzea gainerako jardueren ohiko garapena ez oztopatzea.

Erakusketaren segurtasunaz arduratzea: bertan ekintzarik ez dagoelarik aretoaren segurtasunaz arduratzea; erakusgai dauden lanak lapurreten eta suteen aurka aseguratzea.

Erabakitako epeetan, erakusketa paratu eta kentzeaz arduratzea. Instalazioak hasieran zeuden bezala utziz.

Erakusketerako zaintzale bat behar bada, horrek sortzen dituen gastuak eskatzaileak ordaindu beharko ditu.

Erakusketariak Arizkuneneko erakusketa gelak egunero gutienez bi ordu ireki beharko dituela, igandeetan izan ezik.

## **11. LEHENTASUNAK**

Lehentasuna izanen dute bere erakundeen bidez antolatutako jarduerak, honetaz gain:

- a) Baztanen aritzen diren artisautza eta arte plastikoen inguruko tailerrek, eskolek...antolatutako ekintzek: erakusketa, beti ere ikasleen lanek osatuko dute.
- b) Baztanen sortu edo bizi diren artistek, bakarka edo taldean antolatutako jarduerak.